

INUIT ATAQATIGIIT

INATSISARTUNI



11. december 2012

Inatsisartut suleriaasianni § 37 naapertorlugu Naalakkersuisunut apeqqudit imaattut nas-siuppakka:

(Inatsisartuni Ilaasortaq Naaja H. Nathanielsen, Inuit Ataqatigiit)

1)

Naalakkersuisut allaffeqarfiisa namminneq "Ingerlatseqatigiiffinnik aqutsilluar-nissamut najoqqutassiat" 2012-meersut Namminersorlutillu Oqartussat ingerlat-seqatigiiffiinut atuuttussanngortitat, tassanilu immikkoortoq 1.1-imi allassimasut naapertorlugit sulippat? Naalakkersuisut ataanni allattoqarfik sorleq piginnittut ingerlatseqatigiiffiillu akornini attaveqatigiinnermi iliuuseqaqqaartussaataava saaffiginninneq ingerlatseqatigiiffimmeersuuppat aammalu qanoq Naalakkersuisut tungaanniit ingerlatseqatigiiffinnut attaveqatigiinniarnaq ingerlanneqartarpa?

2)

Ingerlatseqatigiiffinnik aqutsilluarnissamut najoqqutassiani aamma ingerlatseqa-tigiiffiit inuiaqatigiinnut akisussaaffii allaaserineqarpput. Naalakkersuisut isuma-qarpat suliffeqarfiit suliassanut neqeroortalersinnaanerit pitsanngorsaavigine-qartoq tassaasoq ingerlatseqatigiiffiit inuiaqatigiinnut akisussaaffiit pitsaasumik ersersitsisusoq?

3)

Ingerlatseqatigiiffiup KNI-ip angisuujuusullu siunnersortissarsiornermini, qara-saasiatigullu sullissisussarsiornermini ukiuni 2011-mit 2013-mut ammasunik neqeroortitsisarsimanginnera Naalakkersuisut qanoq isumaqarfigaat?

4)

Namminersorlutik Oqartussat ukiuni 2010, 2011 aamma 2012-mi qarasaasiatigut sullinneqarnermut qanoq aningaasartuuteqarsimappat?

Namminersorlutik Oqartussat ataanni ingerlatsiviit immikkoortortaqaarfiillu tama-tumani qassit pineqarnersut aammalu akissarsianut aningaasartuutit taakkunani ilaanersut nassuiaatigeqquneqarput.

5)

KNI-ip aningaasaqarnikkut iliuusai pitsaavallaanngitsunik tusarliunneqartarneri ingerlatseqatigiiffiit pisortanit pigineqartut aningaasaqarnerisa tatiginassuiannut akornutaasimansoq oqaatigineqarsinnaava?

6)

"Ingerlatseqatigiiffinnik aqutsilluarnissamut najoqqutassiat Namminersorlutik Oqartussat ingerlatseqatigiiffiutigisaannut atortuulersinneqarsimasut" allanngor-tinneqarnissaat imaluunniit erseqqissaassuteqarfigineqarnissaat Naalakkersuisu-nit isumaliutigineqarnerluni? Taamaappat sutigut tamanna pissava?

Tungavilersuut:

Naalakkersuisut Inatsisartullu suleqatigiinnermi periuseq, "armslængdeprincip-imik taaguu-teqartoq ataqqisariaqarpaat, taamaasillunilu ingerlatseqatigiiffiit inuiaqatigiinnit pigineqartut

iliuserisaanni naalackersuinikkut akulerussinnaanatik. Siulersuisunik akisussaaffiliisimanivut ataqqisariaqarpavut.

Taamaattorli suliffeqarfinni inuiaqatigiinnit pigineqartuni iliusaasartut inuiaqatigiinnut akornusiisinnaammata, - ersarissunik ungalulersuisariaqarpugut. Taamatut ersarissunik ingerlaseqatigiiffinnut ungalulersuinissami ingerlatseqatigiiffinniillu suut naatsorsuutigisinnaanerivut pillugit malittarisassiuussinissaq Naalackersuisut akisussaaffigaat.

Siuliani Naalackersuisooqatigiit ingerlatseqatigiiffinni aqutsilluarnissamut najoqqutassanik atuutsitsilernissaq suliaraat. Soorunami pingaaruteqarpoq najoqqutassiat taakkua ataqqineqarnissaat, ingerlatseqatigiiffiinnarniunngitsoq kisianni aamma Naalackersuisunit. Tassami amma ingerlatseqatigiiffinnut attaveqarnerinnarniluunniit.

Sapaatip akunnerani uani KNI-ip Siulersuisuisa nalunaarusiaq Deloitte-kkunit suliariinqarsimasoq tamanut saqqummiuppaa. Saqqummersinniarneqarlunilusoq KNI-ip pigisaannit eqqorluannngitsumik tunngaveqarluni atuisoqarsimasoq. Nalunaarusiami qupperneq 8-mi allaaserineqarpoq ukiuni naatsorsuiffiusuni 2010/11-mi, 2011/12-mi aammalu 2012/13-mi qarasaasiaqarnikkut sullinneqarnermut 23 miiliuunit, 22 milliunit 35 milliunillu aningaasartuutaasimasut (it-mi siunnersortip angalanerinullu najugaqarneranerinullu aningaasartuutit ilanngunnagit). Aningaasartuutit takoqqaarlugit amerlaginarput. Assersuuteqarsinnaaniassagama suliffeqarfik angisooq alla ukiumut IT-qarnermut qanoq aningaasartuuteqartarnersoq paasisaqarfigerusuppara, tassalu Namminersorlutik Oqartussat namminneq .

Kissaatigissavara apeqquteqaatit tamarmik ullut qulit qaangiutsinnagit akissuteqarfigineqarnissaat.